

Парма



гор

Эжва йывса войтырлөн газет

Петö 1929 восянь

Воторник, 2013 вося июнь 18 лун 72 (10659)-öд №

Кытчö кук, сэтчö и мöс (коми шусьöг)

Эжва йывлөн слава Таусия Леонтьевна Зайкова



Чужис 1930 вося май 1 лунö Мыс-ын. Уджалис колхозын да «Усть-Немской» совхозлөн Мыс отделениеын рабочёйöн да кукань видзсыён. Коммунистической уджывса ударник, социалистической ордйысьöмын вермысь.

Верöсыскöд быдтис да велöдис квайт челядьöс. Война кадö уджаломысь сетисны Великой Отечественной вой-наса ветеранлысь ним, уна вося бур уджысь - «Уджывса ветеран» да юбилейной медальяс, уна челядьöс чужтöмысь - мöдöд тшунöда «Материнство» медаль. Олö Мысын.

ТÖДÖЙ, МЫЙ ВЫЛЫС

ПУКТІСНЫ КАРТУПЕЛЬЛЫСЬ 12 СОРТ

Кулöмдінса сортоучастокын эштöдісны картофель пунктöм.

Медводдзаысь на пунктисны «Жемчужина», «Онежский», «Чароид», «Фаворит» да «Фиолетовый» сортъяс, видзöдласны, кызди воас миян муяс вылын. Куим во бура воис «Глория», сійöс рöдмöдасны водзö. Лэдзчысисны «Розара» да «Ломоносовский» сортъясысь, кодъяслы öдйö көвъясьö фитотфтора. Пыр на вöдитöны «Снегирь», «Рябинushка», «Чародей», «Аврора» да «Колпашевский» сортъяс.

Сортоучасток ставсö пунктис картофельлысь 12 сорт.

ПЫРАЛІСНЫ И ВÖЛЛÖ

«Ростелеком» Коми филиаллөн Кулöмдінса юкөн юрсиктса Аэропортын 25 олысьöс йитіс интернеткöд, содтöд кыкөн скйисны телефон.

Тайö артмис оптико-волоконной йитöд вылö вуджöм да выль оборудованіе сувтöдöм бöрын. «Ростелекомса» уджалысьяс нöшта дзонь-талісны кабельяс Улыс да Вылыс Вочьяс костын, Кулöмдінса Шöр улич вылын. Дёмаын, Югыдтыдорын да Вöллын вежисны-лöсьöдісны таксофонъяслысь аккумуляторыяс.

ВОЧАВИДЗИСНЫ «ВЕСЬКЫД ЙИТÖД» ПЫР

Июнь 13 лунö республикаса юралысьлөн районса общественной примитанінын муніс телефона «веськыд йитöд» да йöзкöд аддзысьлöм йöзöс социальöя доръян шöринысь юкөнöн веськöдлысь Н.М.Са-вицкаякöд.

Сёрнитанторйöн лоис кокньöд босьтысьясöс пинь тэчöм кузя услугаясöн могмöдöм. Шыöдчылісны Кулöмдінса да Кырнышаса олысьяс. Кöсйисны тöдны, кодъяслы сетсьöны пинь тэчöм кузя кокньöдъяс, бергöдöны-ö пинь бурдöдöмысь да пункталöмысь вештöм сьöм, мортыс кö оз сулав кокньöдъяс босьтöм вылö öчередын да с.в. Быд юалöм вылö лоис вочакыв.

СУЛАЛАМ ДУРМÖДЧÖМЛЫ ПАНЫД

Июнь 14 лунö чукöртчыліс наркотикъяслы да вина юöмлы паныд сулалысь районса комиссия.

Кызди вермасöны наркотикъяс да мукöд дурмöданторъяс пась-кöдöмкöд полицияса уджалысьяс, висьталіс полицияса юкөнöн веськöдлысьöс вежысь А.Б.Коротков. Нарколог А.В.Лютеев юöртис сы йылысь, кутшöм серпас наркотикъясöн да вина юöмөн районын, кызди отсалöны бурдöдчыны дурмöдчанторъяслы сетчöм йöзлы.

ПЕТАВЛІСНЫ НЕМИНУЧАЯС ДЫРЙИ

Кольöм вит тöлысьöн биысь доръян Кулöмдінса гарнизонысь уджалысьяс петалісны туйывса неминучаяс вылö 42-ысь.

Кышавліс 142 морт, 42 машина. Медся унаысь петавлісны Кулöмдінса часьтысь - 20-ысь. Югыдъягысь петавлісны 9-ысь, Зимстанысь - 7-ысь, Помöсдінысь - 4-ысь.

ОРДЙЫСИСНЫ СТРИТБОЛЫСЬ

Кулöмдінын муніс спорт школалөн гожея кубок вылö стритбол кузя ордйысьöм, коді чукöртис 16 арöса да томджык арлыдаясöс, ставсö 50 мортöс.

Ордйысис нывъяслөн 5 да зонъяслөн 7 котыр. Нывъяс пиысь медбурөн лоисны тимшерсаяс, зонъяс пиысь вермис Кебантёльса котыр. Медбур ворысьясöн шуисны Тимшерысь Арина Кестнерöс да Кебантёльысь Егор Куракинöс.

Асланым да общ. корреспондентъяс, районлөн сайт вылысь.



Субöтаö Джеджимын воссис «Ён-лун» вын-эбöс песанін. Татчöс олысьяс, торйөн нин том йöз, важөн нин корисны отсавны Донса юралысь В.Н.Нехорошевöс вöчны ёнмöдчанін, сы вöсна мый тані абу клуб ни школа. Василий Николаевич муніс воча. Сьöмөн отсаліс Коми республикаса Госсöветсянь Россий-ской Федерацияысь Федеральной Собраниелөн Федерация Сöветö пырысь сенатор Е.А.Самойлов: вич-мöдіс 70 сюрс шайт. Сувтöдісны сиктсаяс асьныс. Ёнмöдчанін восьтіс районса юралысьöс вежысь И.В.По-

пов. Бурсиана кывъяс висьталісны районса спорт школаын уджалысьяс. Аттьöалісны ывлавывса ворсанін кышöдысьясöс. Сиктса олысьяслы козыналісны маच्याс. Джеджимсаяс вермасисны районса спорт радей-тысьяскöд.

Таво районнын урчитöма нöшта кы-пöдны ывлавывса 13 ворсанін: Аныб-ын, Дереваннойын, Дзоллын, Донын, Шöръягын, Керчомъяын, Кужйын, Носимын, Мысын, Парчын, Пожöгын, Ручын да Немдінын.

Гижöд да снимок районса сайт вылысь.

КОМИ РЕСПУБЛИКАЫН

ЮÖРТÖМ БУРМÖ

Коми республикалөн эм ыджыд позянлун пыртны уджö да олöмö юортан технологияяс. Та йылысь юöртис республикаса юралысьöс медводдза вежысь Алексей Чернов юöръяс кузя балаяслөн «Проф-IT» ставроссияса конкурслы, бöръя юкöныс кодлөн муніс Сыктывкарын май 30-31 лунъясö, кывкöртöд вö-чигөн.

«Зэв нимкодъ, мый буретш Коми республикаын муніс тайö конкурслөн бöръя юкөн. Республикаса правительствö отырышгъя сöвмöдö госу-дарстволөн юкöнын юöръяс пыртöм, тайö лоö республика сöвмöдöмын медшöр туйвизьясысь öтиөн», - пасйис Алексей Чернов.

Конкурс вылö воис 36 регионысь 112 удж, кодъясöс донъяліс 300 сайö эксперт. Жюрилы ковмис бöрйыны медбуръясöс 24 регионса 33 удж пиысь. Коми республикалөн веськаліс 3 бала. На пиысь öти, «Коми рес-публикаса да муниципалитетса го-сударственной эмбур арталöм да сыён вöдитчöм», кодöс веськöдöма авто-

матизируйтöм система лöсьöдöм вылö. Балаын артыштöма реестръяслысь öтувъя тэчас лöсьöдöм, коді сетö поз-зянлун автоматизируйтны республи-каса да муниципалитетъясса ве-домствояслысь удж, мый отсалас видзтыны республикаса бюджетысь сьöм.

Регионнын юөр сетан технология-яслөн позянлун йылысь сёрнитігөн Алексей Чернов сідзжö казтыштіс, мый конкурслөн бöръя юкөн вылö воліс Российской Федерацияса президентлы отсасысь Игорь Щё-голев да бур боксянь донъяліс аслыс-пöлöс «Коми ЖКУ» портал, коді лоö медводдзайн федерацияса Рытыв-Войвыв кытшын. Сійö сетö йöзлы позянлун йöзöдны элясьöмъяс да вöзйöмъяс коммунальной услугаясöн могмöдöм кузя да веськыда сёрнитны веськöдлан компаниясöн юралысь-яскöд.

«Федерация казяліс да вылö донъя-ліс миянлысь бала и тайö, кыв шутöг, висьталö юөр сетан юкöнын уджалысьлөн ыджыд позянлунъяс, а сідзжö миян бур удж йылысь», - пасйис Алексей Чернов.

Коми республикаса юралысьлөн да правительстволөн пресс-служба.